

鲁越 王晓东 主编

中小學生精讀

唐

詩

盧仝
裴度
卷

中國人民公安大學出版社

目 录

卢仝

月蚀诗·····	(1)
哭玉碑子·····	(8)
观放鱼歌·····	(9)
示添丁·····	(12)
寄男抱孙·····	(13)
自咏三首·····	(14)
送王储詹事西游献兵书·····	(15)
送邵兵曹归江南·····	(16)
寄外兄魏澈·····	(16)
喜逢郑三游山·····	(17)
卓女怨·····	(17)
守岁二首·····	(18)
新月·····	(18)
解闷·····	(19)
扬子津·····	(19)
人日立春·····	(20)
送尉迟羽之归宣州·····	(20)

悲新年	(21)
憶酒寄劉侍郎	(21)
白鷺鷥	(22)
風中琴	(22)
感秋別怨	(23)
新蟬	(23)
題褚遂良孫庭竹	(24)
訪含曦上人	(24)
客淮南病	(25)
村醉	(25)
蕭宅二三子贈答詩二十首	(26)
龜銘	(34)
梳銘	(34)
小婦吟	(35)
月下寄徐希仁	(35)
贈徐希仁石硯別	(36)
有所思	(36)
樓上女兒曲	(37)
秋夢行	(38)
自君之出矣	(39)
走筆謝孟諫議寄新茶	(39)
冬行三首	(40)
常州孟諫議座上聞韓員外	(43)
夏夜聞蚯蚓吟	(44)

扬州送伯龄过江	(45)
忆金鹅山沈山人二首	(45)
寄萧二十三庆中	(46)
叹昨日三首	(47)
月蚀诗	(48)
直钩吟	(49)
与马异结交诗	(49)
感古三首	(51)
杂兴	(53)
酬徐公以新文见招	(54)
门箴	(54)
孟夫子生生亭赋	(55)
走笔追王内丘	(56)
思君吟	(56)
酬愿公雪中见寄	(57)
听萧君姬人弹琴	(58)
蜻蜓歌	(59)
出山作	(60)
寄崔柳州	(60)
赠稚禅师	(61)
送好约法师归江南	(61)
萧二十三赴歙州婚期二首	(62)
掩关铭	(62)
逢病军人	(63)

山中	(63)
除夜	(64)

裴度

享惠昭太子廟樂章	(67)
夏日對雨	(68)
白二十二侍郎有雙鶴留在洛下	(68)
宴七中丞見示初至夏口獻元戎詩	(69)
酬張秘書因寄馬贈詩	(69)
真慧寺	(70)
中書即事	(70)
中和節詔賜公卿尺	(71)
至日登樂遊園	(71)
奉酬中書相公至日圓丘攝事	(72)
太原題廳壁	(73)
溪居	(73)
喜遇劉二十八	(74)
送劉	(74)
再送	(75)
涼風亭睡覺	(75)
雪中訝諸公不相訪	(76)
傍水閑行	(76)
句	(77)

卢仝

卢仝，范阳人。隐少室山，自号玉川子。征谏议，不起。韩愈为河南令，爱其诗，厚礼之。后因宿王涯第，罹甘露之祸。

月 蚀 诗

并序

新天子即位五年，岁次庚寅，斗柄插子，律调黄钟。

森森万木夜僵立，寒气颯颯顽无风。
烂银盘从海底出，出来照我草屋东。
天色绀滑凝不流，冰光交贯寒瞳眈。
初疑白莲花，浮出龙王宫。
八月十五夜，比并不可双。
此时怪事发，有物吞食来。
轮如壮士斧斫坏，桂似雪山风拉摧。
百炼镜，照见胆，平地埋寒灰。
火龙珠，飞出脑，却入蚌蛤胎。
摧环破壁眼看尽，当天一搭如煤炰。
磨踪灭迹须臾间，便似万古不可开。
不料至神物，有此大狼狈。
星如撒沙出，争头事光大。

奴婢炷暗灯，掩莢如玳瑁。
今夜吐焰长如虹，孔隙千道射户外。
玉川子，涕泗下，中庭独自行。
念此日月者，太阴太阳精。
皇天要识物，日月乃化生。
走天汲汲劳四体，与天作眼行光明。
此眼不自保，天公行道何由行。
吾见阴阳家有说，望日蚀月月光灭，
朔月掩日日光缺。
两眼不相攻，此说吾不容。
又孔子师老子云，五色令人目盲。
吾恐天似人，好色即一作则丧明。
幸且非春时一作晴，万物不娇荣。
青山破瓦色，绿水冰峥嵘。
花枯无女艳，鸟死沉歌声。
顽冬何所好，偏使一目盲。
传闻古老说，蚀月虾蟆精。
径圆千里入汝腹，
汝此痴骸一作骀阿谁一作何从生。
可从海窟来，便解绿青冥。
恐是眶睫间，掩一作揩塞所化成。
黄帝有二目，帝舜重瞳明。
二帝悬四目，四海生光辉。
吾不遇二帝，混沌不可知。

何故瞳子上，坐受虫豸欺。
长嗟白兔捣灵药，恰似有意防奸非。
药成满臼不中度，委任白兔夫何为。
忆昔尧为天，十日烧九州。
金烁水银流，玉焰^{音妙}丹砂焦。
六合烘为窑，尧心增百忧。
帝见尧心忧，勃然发怒决洪流。
立拟沃杀九日妖，天高日走沃不及，
但见万国赤子贙^贙生鱼头。
此时九御导九日，争持节幡麾幢旒。
驾车六九五十四头蛟螭虬，掣电九火辀。
汝若蚀开^齧^{一作齧}轮，
御辔执索相爬钩，
推荡轰^{一作渴}入汝喉。
红鳞焰鸟烧口快，翎鬣倒侧声^戛邹。
撑肠拄肚礧傀^{一作礧}如山丘，
自可饱死更不偷。
不独填饥坑，亦解尧心忧。
恨汝时^{一本无时字}当食，
藏^{一作埋}头抵脑不肯食。
不当食，张唇哆^哆^嘴食不休。
食天之眼养逆命，安得上一^{一作天帝请汝刘}。
呜呼，人养虎，被虎啗。
天媚蟆，被蟆瞎。

一作天昏暮，得瞽疾，虾蟆敢将天眼瞎。

乃知恩非类，一一自作孽。

吾见患眼人，必索良工诀。

想天下异人，爱眼固应一。

安得常娥氏，来习扁鹊术。

手操春喉戈，去此睛上物。

其初一作初既犹朦胧，既久如一作似抹漆。

但恐功业成，便此不吐出。

玉川子又涕泗下，

心祷再拜额榻一作囫砂土中，

地上虬虱臣全告愬帝天皇。

臣心有铁一寸，可剗妖蟆痴肠。

上天不为臣立梯磴，

臣血肉身无由飞上天，扬天光。

封词付与小心风，

飏一作越排闥阖入紫宫。

密迹玉几前擘坼，奏上臣全顽愚胸。

敢死横干天，代天谋其长。

一作敢死横干天甚长。

东方苍龙角，插戟尾捭风。

当心开明堂。

统领三百六十鳞虫，坐理一作治东方宫。

月蚀不救援，安用东方龙。

南方火鸟赤泼血，

项长尾短飞跋踠一作刺，
头戴井一作丹冠高遶楸。
月蚀鸟宫十三度，鸟
为居停主人不觉察，贪向何人家。
行赤口毒舌，毒虫头上吃却月，不啄杀。
虚眨鬼眼明冥谿，鸟罪不可雪。
西方攫虎立踦踦，斧为牙，凿为齿。
偷牺牲，食封豕。
大蟆一脔，固当软美。
见似不见，是何道理。
爪牙根天不念天，天若准拟错准拟。
北方寒龟被蛇缚，藏头入壳如入狱。
蛇筋束紧束破壳，寒龟夏鳖一种味。
且当以其肉充臄，死壳没信处，
唯堪支床脚，不堪一作中
钻灼与天一本有下字卜。
岁星主福德，官爵奉董秦。
忍使黔娄生，覆尸无衣巾。
天失眼不吊，岁星胡其仁。
荧惑矍铄翁，执法大不中。
月明无罪过，不纠蚀月虫。
年年十月朝太微。支卢谪罚何灾凶。
土星与土性相背，反养福德生祸害。
到人头上死破败，今夜月蚀安可会。

太白真將軍，怒激鋒芒生。
恒州陣斬郾定進，項骨脆甚春蔓菁。
天唯兩眼失一眼，將軍何處行天兵。
辰星任廷尉，天律自主持。
人命在盆底，固應樂見天育時。
天若不肯信，試喚皋陶鬼一問。
一如今日三台文昌宮，作上天一作天上紀綱。
環天二十八宿，一作无宿字。
磊磊尚書郎。
整頓排班行，劍握他人將。
一四太陽側，一四天市傍。
操斧代大匠，兩手不怕傷。
弧矢引滿反射人，天狼呀啄明煌煌。
痴牛與駿女，不肯勸農桑。
徒勞含淫思，旦夕遙相望。
蚩尤簸旗弄旬朔，始捶天鼓鳴瑯琅。
枉矢能蛇行，眊目森森張。
天狗下舐地，血流何滂滂。
譎險萬萬黨，架構何可當。
眯目衅成就，害我光明王。
請留北斗一星相北極，一作請留北斗相北極。
指麾萬國懸中央。
此外盡掃一作拂除，堆積一作砂磧如山岡，
贖我父母光。

当时常星没，殒一作星雨如进一作坼浆。

似天会事发，叱喝诛奸强。

何故中道废，自遗今日殃。

善善又恶恶，郭公所以亡。

愿天神圣心，无信他人忠。

玉川子词讫，风色紧格格。

近月黑暗边，有似动剑戟。

须臾痴蟆精，两吻自决拆。

初露半个璧，渐吐满轮魄。

众星尽原赦，一蟆独诛磔。

腹肚忽脱落，依旧挂穹碧。

光彩未苏来，惨澹一片白。

奈何万里光，受此吞吐厄。

再得见天眼，感荷天地力。

或问玉川子，孔子修春秋。

二百四十年，月蚀尽不收。

今子咄咄词，颇一作固合孔意不。

玉川子笑答，或请听逗留。

孔子父母鲁，讳鲁不讳周。

书外书大恶，故月蚀不见收。

予命唐天，口食唐土。

唐礼过三，唐乐过五。

小犹不说，大不可数。

灾沴无有小大禴，安得一本无得字

引衰周，研核其一本无其字可否。
日分昼，月分夜，辨寒暑。
一主刑，二主德，政乃举。
孰为人面上，一目偏可去。
愿天完两目，照下万方土，
万古更不瞽，万万古，更不瞽，照万古。

哭玉碑子

山有洞左颊，拾得玉碑子。
其长一周尺，其阔一药匕。
颜色九秋天，棱角四面起。
轻敲吐寒流，清悲动神鬼。
稽首置手中，只似一片水。
至文反无文，上帝应有以。
予疑仙石灵，愿以仙人比。
心期香汤洗，归送篆堂里。
颇奈穷相驴，行动如跛鳖。
十里五里行，百蹶复千蹶。
颜子不少夭，玉碑中路折。

横文寻龟兆，直理任瓦裂。
劈竹不可合，破坏永离别。
向人如有情，似痛滴无血。
勘斗平地上，罅坼多啮缺。
百见百伤心，不堪再提挈。
怪哉坚贞姿，忽脆不坚固。
矧曰人间人，安能保常度。
敢问生物成，败为有真素。
为禀灵异气，不得受秽污。
驴罪真不厚，驴生亦错误。
更将前前行，复恐山神怒。
白云蓊闭岭，高松吟古墓。
置此忍其伤，驱驴下山路一作去。

观放鱼歌

常州贤刺史，从谏议大夫除。
天地好生物，刺史性与天地俱。
见山客，狎鱼鸟。坐山客，北亭湖。
命舟人，驾舫子，漾漾菰蒲。

酒興引行處，正見漁人魚。
刺史密會山客意，復念網羅嬰無辜。
忽脫身上殷緋袍，盡買罟獲盡有无。
鰻鱗鮎鱧鰕，涎惡最頑愚。
鱗魴見幽風，質干稍高流。
時白噴雪鯽鯉肉，此輩肥脆為絕尤。
老鯉變化頗神異，三十六鱗如抹朱。
水苞弘窟有蛟鼉，餌非龍餌唯无魴。
丛杂百千頭，性命懸須臾。
天心應刺史，刺史盡活諸。
一一投深泉，跳脫不復拘。
得水竟騰突，動作詭怪殊。
或透藻而出，或破浪而趨。
或掉尾子子，或奮鬣愉愉。
或如鸞擲梭，一本缺此三字。
或如蛇銜珠。
四散漸不見，島嶼徒紫紆。
鸕鶿鵲鷗鳬，喜觀爭叫呼。
小蝦亦相庆，繞岸搖其須。
乃知貪生不獨頑痴夫。
可怜百千命，几为中腸俎。
若養圣贤真，大烹龍髓敢惜乎。
苦痛如今人，尽是魚食魚。
族类恣飲啖，強力无亲疏。

明明刺史心，不欲与物相欺诬。
岸虫两与命，无意杀此活彼用贼徒。
亦忆清江使，横遭乎余且。
圣神七十钻，不及泥中鳅。
哀哉托非贤，五脏生冤仇。
若当刺史时，圣物保不囚。
不疑且不卜，二子安能谏。
二子傥故谏，吾知心受诛。
礼重一草木，易封称中孚。
又曰钓不纲，又曰远庖厨。
故一作孝仁人用心，刺史尽合符。
昔鲁公观棠距箴，遂被孔子贬而书。
今刺史好生，德洽民心，谁为刺史一褒誉。
刺史自来，德风如草铺。
衣冠兴废礼，百姓减暴租。
豪猾不豪猾，鰥孤不鰥孤。
开古孟渚三十里，四千顷泥坑为膏腴，
刺史视之总若无。
讼庭雀噪坐不得，湖上拔茭植芙蕖。
胜业庄中二桑门，时时对坐谈真如。
因说十千天子事，福力当与刺史俱。
天雨曼陀罗花深没膝，
四十千真珠璎珞堆高楼。
此中怪特不可会，但慕刺史仁有馀。

刺史敕左右兼小家一本有生字奴，
慎勿背我沉毒钩。
念鱼承奉刺史仁，深僻处，远远游。
刺史官职小，教化未能敷。
第一莫近人，恶人唯口腴。
第一莫出境，四境多网罟。
重伤刺史心，丧尔微贱躯。

示 添 丁

春风苦不仁，呼逐马蹄行人家。
惭愧瘴气却怜我，入我憔悴骨中为生涯。
数日不食强强行，何忍索我抱看满树花。
不知四体正困惫，泥人啼哭声呀呀。
忽来案上翻墨汁，途抹诗书如老鸦。
父怜母惜掴不得，却生痴笑令人嗟。
宿春连晓不成米，日高始进一碗茶。
气力龙钟头欲白，凭仗添丁莫恼爷。